Tarikh dibaca: 06 Disember 2019M I 09 Rabiulakhir 1441H



KHUTBAH JUMAAT

Tajuk:

"RAJA DISAYANGI, RAKYAT SEJAHTERA"

Terbitan: Unit Khutbah Bahagian Pengurusan Masjid JABATAN AGAMA ISLAM SELANGOR



"RAJA DISAYANGI, RAKYAT SEJAHTERA"

اَلْحَمْدُ لِلَّهِ الْقَائِل: ﴿ إِنَّ ٱللَّهَ يَأْمُرُ بِٱلْعَدَلِ وَٱلْإِحْسَنِ وَإِيتَآيِ ذِي الْحَمْدُ لِلَّهِ عَنِ ٱلْفَحْشَآءِ وَٱلْمُنكِرِ وَٱلْبَغِي ۚ يَعِظُكُمْ لَعَلَّكُمْ لَعَلَّكُمْ تَذَكَّرُونَ فَي اللَّهُ عَنِ ٱلْفَحْشَآءِ وَٱلْمُنكِرِ وَٱلْبَغِي ۚ يَعِظُكُمْ لَعَلَّكُمْ تَذَكَّرُونَ فَي اللَّهُ عَنِ ٱلْفَحْشَآءِ وَٱلْمُنكِرِ وَٱلْبَغِي ۚ يَعِظُكُمْ لَعَلَّكُمْ تَذَكَّرُونَ فَي اللَّهُ عَنِ ٱلْفَحْشَآءِ وَٱلْمُنكِرِ وَٱلْبَغِي اللَّهُ عَنِ ٱلْفَحْشَآءِ وَٱلْمُنكِرِ وَٱلْبَغِي اللَّهُ عَنِ اللَّهُ عَنِ اللَّهُ عَنِ اللَّهُ عَنِ اللَّهُ عَنْ اللَّهُ عَلْمُ عَنْ اللَّهُ عَنْ اللَّهُ عَنْ اللَّهُ عَلَيْكُمْ اللَّهُ عَلْمُ عَنْ اللَّهُ عَنْ اللَّهُ عَالْكُمْ اللَّهُ عَلَى اللَّهُ عَلَى اللَّهُ عَلَى اللَّهُ عَلَى اللَّهُ عَلَى اللَّهُ عَلَى الْعَلْمُ عَلَى اللَّهُ عَلَى الْعَلْمُ عَلَى اللَّهُ عَلْمُ اللَّهُ عَلَى اللَّهُ عَلَيْكُمْ اللَّهُ عَلَيْكُمْ اللَّهُ عَلَى اللَّهُ عَلَى اللَّهُ عَلَى اللَّهُ عَلْمُ عَلَى اللَّهُ عَلَى اللَّهُ عَلَيْكُمْ اللَّهُ عَلَيْكُمْ اللَّهُ عَلَيْكُمْ اللَّهُ عَلَيْكُمْ اللَّهُ عَلَيْكُمْ اللَّهُ عَلَيْكُمْ اللَّهُ عَلَى اللَّهُ عَلَيْكُمُ اللَّهُ عَلَيْكُمْ اللَّهُ عَلَيْكُمْ اللَّهُ عَلَيْكُمْ اللَّهُ عَلَيْكُمْ اللَّهُ عَلَى اللَّهُ عَلَيْكُمْ عَلَيْكُمْ اللَّهُ عَلَيْكُمْ اللَّهُ عَلَيْكُولُ عَلَيْكُمْ اللَّهُ عَلَيْكُمْ اللَّهُ عَلَيْكُمْ الْعُلِي عَلَيْكُمْ اللَّهُ عَلَيْكُمُ اللَّهُ عَلَيْكُمْ اللَّهُ عَلَيْكُمْ اللَّهُ عَلَيْكُمْ اللَّهُ عَلَيْكُمْ اللَّهُ عَلَيْكُولُ عَلَيْكُمْ اللَّهُ عَلَيْكُمْ اللَّهُ عَلَيْكُمْ اللَّهُ عَلَيْكُمْ اللَّهُ عَلَيْكُمْ اللَّهُ عَلَيْكُمْ اللَّهُ عَلَيْكُمْ

أَشْهَدُ أَنْ لَا إِلَهَ إِلَّا اللَّهُ وَحْدَهُ لاَ شَرِيكَ لَهُ وَأَشْهَدُ أَنَّ مُحَمَّدًا عَبْدُهُ وَرَسُولُهُ. اَللَّهُمَّ صَلِّ وَسَلِّمْ عَلَى سَيِّدِنَا مُحَمَّدٍ وَعَلَى ءَالِهِ وَأَصْحَابِهِ أَجْمَعِنْ.

أَمَّا بَعْدُ، فَيَآ أَيُّهَا الْمُسْلِمُونَ! اِتَّقُواْ اللَّهَ! أُوْصِيكُمْ وَإِيَّايَ بِتَقْوَى اللَّهِ فَقَدْ فَازَ الْمُتَّقُونَ. قَالَ اللَّهُ تَعَالَى:

يَئَأَيُّ اللَّذِينَ ءَامَنُواْ ٱتَّقُواْ ٱللَّهَ حَقَّ تُقَاتِهِ وَلَا تَمُوتُنَّ إِلَّا وَأَنتُم مُّسَلِّمُونَ.

Muslimin yang dirahmati Allah sekalian,

Marilah kita bertakwa ke hadrat Allah SWT dengan melaksanakan segala suruhan-Nya dan meninggalkan segala larangan-Nya. Semoga dengan ketaqwaan, kita akan mendapat pengampunan dan keredhaan Allah SWT di dunia dan di akhirat.

Khutbah Jumaat pada kali ini adalah bertajuk "RAJA DISAYANGI, RAKYAT SEJAHTERA."

Muslimin yang dirahmati Allah sekalian,

¹ Al-Nahl: 90.



Kita bersyukur ke hadrat Allah SWT, dengan keteguhan struktur pentadbiran negara yang bertunjangkan kepada sistem raja berperlembagaan dan demokrasi berparlimen telah menjamin suasana negara yang aman, stabil dan harmoni.

Sesungguhnya institusi Raja memainkan peranan penting dalam mengembangkan dan memelihara Islam. Sejarah yang lalu telah membuktikan apabila Raja memeluk agama Islam, maka berduyun-duyunlah rakyat memeluk agama Islam sehingga rakyat hidup dalam keadaan aman dan sejahtera. Malah dengan mengamalkan ajaran Islam, hubungan erat antara raja dan rakyat bertambah baik serta sayangnya rakyat kepada raja bertambah kuat kerana Islam memerintahkan seseorang pemimpin itu hendaklah berlaku adil dan mengajar umatnya supaya mentaati Allah, Rasul dan pemimpin. Ini selaras dengan firman Allah SWT dalam surah al-Nisa ayat 59:

يَنَأَيُّنَا ٱلَّذِينَ ءَامَنُوۤا أَطِيعُوا ٱللَّهَ وَأَطِيعُوا ٱلرَّسُولَ وَأُوْلِى ٱلْأَمْرِ مِنكُمْ فَا يَنَا اللَّهِ وَٱلرَّسُولِ إِن كُنتُمْ تُوَّمِنُونَ بِٱللَّهِ وَٱلْيَوْمِ فَإِن كُنتُمْ تُوَّمِنُونَ بِٱللَّهِ وَٱلْيَوْمِ الْآكِرَ فَإِلَى اللَّهِ وَٱلرَّسُولِ إِن كُنتُمْ تُوَّمِنُونَ بِٱللَّهِ وَٱلْيَوْمِ الْآكِرَ خَرَّ ذَالِكَ خَيْرٌ وَأَخْسَنُ تَأْوِيلاً هَي اللَّهِ وَٱلْيَوْمِ الْآكِرَ فَالِكَ خَيْرٌ وَأَخْسَنُ تَأْوِيلاً هِي

"Wahai orang-orang yang beriman, taatlah kamu kepada Allah dan taatlah kamu kepada Rasulullah dan kepada "Ulil-Amri" (orang-orang yang berkuasa) dari kalangan kamu. Kemudian jika kamu berbantah-bantah (berselisihan) dalam sesuatu perkara, maka hendaklah kamu mengembalikannya kepada (Kitab) Allah (Al-Quran) dan (Sunnah) Rasul-Nya - jika kamu benar beriman kepada Allah dan hari akhirat. yang demikian adalah lebih baik (bagi kamu), dan lebih elok pula kesudahannya."



Manakala dalam Hadis pula, Abdullah bin Umar Radhiallahu Anhuma meriwayatkan bahawa Nabi SAW bersabda:

"Dengar dan taat adalah menjadi kewajipan seorang muslim samada ia suka atau benci sesuatu suruhan itu selagi mana tidak disuruh kepada maksiat, maka jika disuruh untuk melakukan maksiat, maka tiada lagi untuk dengar dan taat suruhan itu."

(Riwayat al-Bukhari).

Hadirin Jumaat yang dikasihi sekalian,

Tarikh 11 Disember 2019 bersamaan 14 Rabiulakhir 1441H yang akan datang, kita akan menyambut ulang tahun keputeraan DYMM Sultan Selangor ke-74. Bersama-samalah kita mendoakan semoga DYMM Tuanku sentiasa mendapat hidayah dan inayah Allah SWT untuk meneruskan pemerintahan baginda dengan taqwa dan adil di negeri yang aman dan maju ini.

Kita juga berdoa semoga Duli Yang Maha Mulia Sultan sentiasa istiqamah dalam perkembangan semasa khususnya dalam meningkatkan syiar Islam dalam negeri ini. Contohnya memperkasa institusi masjid, pendidikan Islam, institusi zakat dan wakaf serta pembangunan sosio ekonomi ummah.

Disamping itu, kita juga hendaklah sentiasa menyokong segala usaha Tuanku untuk menyekat sebarang penyebaran ajaran sesat seperti Syiah, Hizbut Tahrir, Millah Abraham dan lain-lain lagi. Untuk menghadapi cabaran



ini, umat Islam di negeri ini mestilah berpegang teguh kepada ajaran dan amalan Ahlus Sunnah Wal Jamaah.

Hadirin yang dirahmati Allah SWT,

Sesungguhnya Tuanku telah berkenan menjadikan Negeri Selangor penanda aras kepada kemunculan rantau ini sebagai pemimpin peradaban dunia Islam. Ini bertepatan dengan kemajuan sesebuah negara itu amat bergantung kepada urus tadbir yang mantap dan penerapan prinsip keterbukaan, integriti dan bertanggungjawab. Kekayaan hasil mahsul yang diperolehi tidak akan disalah guna atau hilang melalui budaya rasuah, sebaliknya akan dikembalikan kepada rakyat melalui program-program pembangunan. Khazanah negara yang dianugerahkan oleh Allah SWT pasti akan pupus sekiranya para pemimpin bergelumang dengan amalan rasuah, salah guna kuasa dan tamak haloba.

DYMM Sultan Selangor mengajak seluruh rakyat mengambil iktibar daripada sejarah yang telah berlaku di mana kuasa-kuasa besar dahulu runtuh dan hancur akibat budaya rasuah, fitnah-memfitnah yang berleluasa dan gaya kehidupan yang bermewah-mewah. Ini bertepatan dengan firman Allah SWT dalam surah al-Israk ayat 16 dan 17:

"Dan apabila sampai tempoh Kami hendak membinasakan penduduk sesebuah negeri, Kami perintahkan (lebih dahulu) orang-orang yang melampau dengan kemewahan di antara mereka (supaya taat), lalu mereka



menderhaka dan melakukan maksiat padanya; maka berhaklah negeri itu dibinasakan, lalu Kami menghancurkannya sehancur-hancurnya. Dan berapa banyak umat-umat yang Kami telah binasakan sesudah zaman Nabi Nuh; dan cukuplah Tuhanmu (Wahai Muhammad) mengetahui lagi melihat akan dosa-dosa hamba-Nya."

Muslimin yang dikasihi Allah sekalian,

Islam adalah agama yang amat mementingkan keharmonian dalam kehidupan bermasyarakat. Lantaran itu, umat Islam hendaklah mengetepikan sikap suka menghina, mencela dan memfitnah serta berperasaan hasad dengki demi memastikan terbinanya ukhwah Islamiah yang kukuh.

Sebagai Raja dan Ketua Agama Islam di negeri ini, Baginda menegaskan bahawa memelihara kemuliaan agama Islam serta maruah junjungan besar Nabi Muhammad SAW adalah tuntutan utama dalam maqasid syariah dan menjadi tanggungjawab umat Islam agar sentiasa mempertahankannya.

Kita bersyukur ke hadrat Allah SWT atas nikmat dan anugerah keamanan serta kedamaian dalam negeri ini dengan menjunjung setinggi kasih kepada DYMM Sultan kerana peranan yang dimainkan oleh Baginda dalam menyebar dan memelihara kesucian agama Islam.

Kita juga menjunjung kasih atas keprihatinan baginda terhadap permasalahan dan kepentingan rakyat tanpa mengira bangsa dan agama. Tanggungjawab yang dipikul oleh baginda Tuanku amatlah berat. Justeru itu, selaku rakyat hendaklah memahami dan memberikan taat setia yang tidak berbelah bahagi kepada Tuanku.



Hadirin Jumaat yang dirahmati Allah,

Mengakhiri khutbah pada hari ini, marilah kita menghayati dan mengambil panduan daripada perkara-perkara berikut:

- 1. Umat Islam hendaklah meyakini bahawa ketaatan kepada Allah, Rasul dan pemimpin adalah tuntutan agama Islam.
- 2. Umat Islam hendaklah menjauhi perkara-perkara yang boleh merosakkan hubungan antara raja dan rakyat.
- 3. Umat Islam hendaklah sentiasa memperkukuh keimanan dan ketakwaan kepada Allah SWT bagi meraih keberkatan dan rahmat daripada Allah SWT.

"Dan (Tuhan berfirman lagi): sekiranya penduduk negeri itu, beriman serta bertaqwa, tentulah Kami akan membuka kepada mereka (pintu pengurniaan) yang melimpah-limpah berkatnya, dari langit dan bumi. tetapi mereka mendustakan (Rasul kami), lalu Kami timpakan mereka dengan azab seksa disebabkan apa yang mereka telah usahakan."

(al-Aa'raf: 96).



بَارَكَ اللهُ لِيْ وَلَكُمْ فِي الْقُرْآنِ الْعَظِيْمِ، وَنَفَعَنِيْ وَإِيَّاكُمْ فِي الْقُرْآنِ الْعَظِيْمِ، وَنَفَعَنِيْ وَإِيَّاكُمْ بِمَا فِيْهِ مِنَ الآيَاتِ وَالذِّكْرِ الْحَكِيْمِ وَتَقَبَّلَ مِنِيْ وَمِنْكُمْ تِلاوَتَهُ، إِنَّهُ هُوَ السَّمِيْعُ الْعَلِيْمُ.

أَقُولُ قَوْلِيْ هَذَا وَأَسْتَغْفِرُ اللهَ الْعَظِيْمَ لِيْ وَلَكُمْ وَلِسَآئِرِ اللهَ الْعُظِيْمَ لِيْ وَلَكُمْ وَلِسَآئِرِ الْلُسْلِمِيْنَ وَالْلُسْلِمَاتِ، فَاسْتَغْفِرُوْهُ إِنَّهُ هُوَ الْغَفُورُ الرَّحِيْمُ.



KHUTBAH KEDUA

اَلْحَمْدُ لِلَّهِ الَّذِيْ جَعَلَنَا مِنَ الْمُسْلِمِيْنَ، وَرَزَقَنَا مِنَ الطَّيِّبَاتِ. أَشْهَدُ أَنْ لَا اللَّهُ إِلَهَ إِلاَّ اللَّهُ وَحْدَهُ لاَ شَرِيْكَ لَهُ، وَأَشْهَدُ أَنَّ مُحَمَّدًا عَبْدُهُ وَرَسُولُهُ. اَللَّهُمَّ صَلِّ وَسَلِّمْ وَبَارِكْ عَلَى سَيِّدِنَا مُحَمَّدٍ وَعَلَى آلِهِ وَصَحْبِهِ وَمَنْ تَبِعَهُمْ بِإِحْسَانٍ إِلَى يَوْمِ مُحَمَّدٍ وَعَلَى آلِهِ وَصَحْبِهِ وَمَنْ تَبِعَهُمْ بِإِحْسَانٍ إِلَى يَوْمِ الدِّيْنِ. أَمَّا بَعْدُ، فَيَا عِبَادَ اللهِ، إتَّقُواْ اللَّه، أُوصِيكُمْ وَإِيَّايَ الدِّيْنِ. أَمَّا بَعْدُ، فَيَا عِبَادَ اللهِ، إتَّقُواْ اللَّه، أُوصِيكُمْ وَإِيَّايَ بِتَقْوَى اللهِ فَقَدْ فَازَ الْمُتَّقُونَ.

وَقَالَ اللهُ تَعَالَى : إِنَّ ٱللَّهَ وَمَلَنِ كَتَهُ مُ يُصَلُّونَ عَلَى ٱلنَّبِيِّ يَتَأَيُّا ٱلَّذِينَ ءَامَنُواْ صَلُّواْ عَلَيْهِ وَسَلِّمُواْ تَسَلِيمًا.

اَللَّهُمَّ صَلِّ وَسَلِّمْ عَلَى سَيِّدِنَا وَمَوْلاَنَا مُحَمَّدٍ سَيِّدِ الْمُرْسَلِينَ وَارْضَ اللَّهُمَّ عَنْ أَصْحَابِهِ وَقَرَابَتِهِ وَأَزْوَاجِهِ وَذُرِيَّاتِهِ أَجْمَعِيْنَ. اللَّهُمَّ اعْفِرْ لِلْمُسْلِمِیْنَ وَالْمُسْلِمَاتِ وَالْمُؤْمِنِیْنَ وَالْمُؤْمِنَاتِ الْأَحْیَاءِ مِنْهُمْ وَالْأَمْوَاتِ، إِنَّكَ سَمِیْعٌ قَرِیْبٌ مُجِیْبُ الدَّعَوَاتِ وَیَا قَاضِيَ الْحَاجَاتِ. اَللَّهُمَّ أَعِزَ الْإِسْلاَمَ وَالْمُسْلِمِیْنَ، وَأَهْلِكِ الْكَفَرَةَ وَالْمُبْتَدِعَةَ وَالْمُشْرِكِیْنَ وَدَمِّرْ اَعْدَاءَكَ اَعْدَاءَ الدِّیْنِ. وَانْصُرْنَا عَلَى الْقَوْمِ الْكَافِرِيْنَ. وَانْصُرْنَا عَلَى الْقَوْمِ الْكَافِرِيْنَ.



اَللَّهُمَّ إِنَّا نَسْأَلُكَ وَنَتَوَسَّلُ إِلَيْكَ بِنَبِيِّكَ الْأَمِيْنِ، وَنَسْأَلُكَ الْحُسْنَى، وَصِفَاتِكَ الْعُظْمَى، أَنْ تَحْفَظَ بِعَيْن الرَّبَّانِيَّةِ، وَبِحِفْظِ وِقَايَتِكَ الصَّمَدَانِيَّةِ، جَلاَلَةَ مَلِكِنَا الْمُعَظِّم، سُلْطَان سلاغُور، سُلْطَان شَرَفُ الدِّين ادربس الحاج ابن المرحوم سُلْطَان صَلاَحُ الدِّين عبد العزبز اَللَّهُمَّ أَدِم الْعَوْنَ وَالْهِدَايَةَ وَالتَّوْفِيْقَ، وَالسَّلامَةَ مِنْكَ، لِوَلِيّ عَهْدِ سلاغُور، تعْكو أُمِير شَاه اِبْن السُّلْطَان شَرَفُ الدِّين ادريس شاه الحاج، فِيْ وَكَرَمِكَ يَا ذَاالْجَلالِ وَالإِكْرَامِ. مَقَاصِدَهُمَا لِطُربق الْهُدَى وَالرَّشَادِ.

Ya Allah, Engkaulah Tuhan yang Maha Berkuasa, kami bersyukur kehadrat-Mu yang telah mengurniakan rahmat dan keberkatan kepada negeri ini yang terus sejahtera dan maju, serta rakyatnya bersatu padu, dibawah naungan dan pimpinan raja kami sebagai Ketua Agama Islam di negeri ini.

Justeru kami pohon kehadrat-Mu ya Allah, tetapkanlah iman dan pegangan kami kepada Ahli Sunnah Wal-Jamaah, peliharalah kami daripada ajaran yang terkeluar daripada Islam seperti Ahmadiah atau Qadyani dan



ajaran-ajaran yang difatwakan sesat seperti Syiah dan Ajaran Millah Abraham. Ya Allah, Ya Rahman, Ya Rahim, satukanlah hati-hati kami, kurniakanlah kami rezeki yang luas lagi barakah, kayakanlah kami dengan ilmu yang bermanfaat dan lindungilah kami daripada bala bencana. Ya Allah, kurniakanlah petunjuk kepada kami untuk mendirikan solat fardu lima waktu secara berjemaah, menunaikan zakat melalui Lembaga Zakat Selangor, mewakaf dan menginfakkan harta melalui Perbadanan Wakaf Selangor dan Tabung Amanah Pembangunan Islam Selangor.
